



25 años
xunta@

CATÁLOGO
2025

CULTURACTIVA

ÍNDICE MÚSICA

FORMATOS GRANDES

GUADI GALEGO

MERCEDES PEÓN

XURXO FERNANDES

ORQUESTRA BRAVÚ XANGAI

NOVIDADES

OS CARUNCHOS

JAVIER OTERO NEIRA

TRES PESOS

LOITA AMADA

VERBENA

FESTA

BAILE

QUINKILLADA

O SONORO MAXÍN

MOMBOI

FLOW DO TOXO

TIAM GZ

OS D'ABAIXO

GALIFUNK BRASS

FORMATOS ESPECIAIS

MÚSICA DE RÚA

PEQUENOS FORMATOS

MERCEDES PEÓN

JAVIER OTERO NEIRA

OS BREGADIERS

BRASSICA RAPA

ACORDEIRETA

OS MONIFATES

CÉ ORQUESTRA

BOOKING

ANA TIJOUX

QUERALT LAHOZ

AMPARANOIA

ESKORZO

LA FÚMIGA

TARTA RELENA

EL PONY PISADOR

CRISTINA BRANCO

CARA DE ESPELHO

MERINA GRIS



FORMATOS GRANDES

GUADI GALEGO

Síntese horizonte



*Premio da Crítica de Galicia.
Premio Martín Códax da música.
Premio á Promoción da Realidade
Plurilingüe do Estado.
Premio Meninas.*

Síntese Horizonte é unha aposta pola evolución do seu son na que Guadi Galego se acompaña dunha portentosa banda e dunha produción que destaca pola súa coidada iluminación e posta en escena. Precisabamos poder ver, sentir e escoitar: a firme crenza do poder transformador da música ao vivo. A xira de Síntese Horizonte finalizará en outubro de 2025.



CULTURACTIVA

MERCEDES PEÓN

Ingrávida



*Premio Nacional da Cultura Galega.
Artista do ano para Folkword.
Artista Top TEN na Revista Songlines.*

Ingrávida é unha viaxe musical pola traxectoria dunha artista esencial, única, irrepetible, dende a saída do seu primeiro disco, Isué, ata hoxe. Unha homenaxe á persistencia da creación colectiva, que é un xeito de mirar o mundo, a cabalo entre o acústico e a electrónica. Un espectáculo en varios formatos, no que Mercedes Peón se acompaña de artistas e bandas como Raigañas, Xirifeiras, ConcertoTempo, Caamaño&Ameixeiras, Mónica de Nut e Ana Fernández, entre outras.



CULTURACTIVA

XURXO FERNANDES

Levaino!



Unha das voces máis influíntes do país cunha visión única sobre as músicas de raíz e de creación colectiva.

Con “Levaino!” imos de viaxe polos sons máis arcaicos dunha Galicia primitiva, mesturados co exotismo oriental. Pandeireta e instrumentación moderna nun espectáculo que sobresaí do escenario e que vai máis alá do musical, cunha proposta estética moi visual, grazas á participación de Pan Sen Fron, creada e dirixida polo propio Xurxo Fernandes.



CULTURACTIVA

ORQUESTRA BRAVÚ XANGAI

Os saxofóns de Occidente



Pode que a fin do mundo estea preto mais, se pola Orquestra Bravú Xangai fose, o mundo sería un baile eterno, unha repichoca sen fin, unha festa sen medida con gosto a sal e licor como boa bacanal bravú. A Xangai, con Xurxo Souto ao fronte, segue co facho do bravú prendido 30 anos despois daquel glorioso momento, a fundación do Bravú en Chantada en novembro de 1994. O seu novo disco “Os saxofóns de Occidente” contén 17 cancións e o seu directo un feixe de músicas coas que bailar e brincar ate que saia o sol.



CULTURACTIVA



NOVIDADES

OS CARUNCHOS

Unha gorxa chea de paxaros



Os Carunchos renden homenaxe ao poeta Manuel María musicando unha selección dos seus poemas. Os Carunchos celebran tres décadas de música en galego co gran Poeta da Terra. Deste encontro prodixioso entre a música e a palabra xorden trece temas, unha gorxa chea de paxaros e de versos, cos que celebrar a longa vida dunha das bandas fundamentais da música tradicional galega.



CULTURACTIVA

JAVIER OTERO NEIRA

Pálido Punto Azul



Artista Yamaha.

Javier Otero Neira presenta a súa primeira ópera contemporánea, Pálido Punto Azul, con libreto de Iria Azevedo, que toma como punto de partida a famosa fotografía tomada pola sonda Voyager 1 en 1990 a unha distancia de 6.000 millóns de quilómetros. Unha petición de Carl Sagan e a derradeira imaxe da Terra antes de apagar definitivamente as cámaras. Unha representación do lugar que ocupa a humanidade no Universo a través de diferentes dimensións artísticas (música e libreto, visuais e performance). Unha obra colectiva que serve para amosar a insignificancia e fragilidade do noso planeta como un pequeno punto azul na inmensidade do espazo. Unha viaxe que percorre o Ser, o Estar e o Parecer en busca de “instruccions” para saber diferenciarlos. “Todo o que buscamos convértese nunha mera representación”.



CULTURACTIVA

TRES PESOS

Cantares e contares



Os Tres Pesos soben á escena para compartir co público unha ducia de Cantares e Contares entrañables que eles recibiron xa doutros, como sempre aconteceu na roda da transmisión oral. Uns cantares que reflexionan sobre a idiosincrasia da nosa sociedade, da nosa esencia, do ser galego.



CULTURACTIVA

LOITA AMADA

Rematou o simulacro



Rematou o simulacro ofrece o son máis cañeiro que caracterizou sempre a Jásper na súa traxectoria musical. Gravado en Garate Estudios da man de Kaki Arakarazo, as guitarras volven a ruxir coma nunca. Loita Amada fainos vibrar, bailar, berrar e disfrutar a partes iguais co seu rock-punk explosivo! Atrévete?

Novo disco en Outono de 2025.



CULTURACTIVA



VERBENA FESTA BAILE

QUINKILLADA

Puro inferno



A sinerxia perfecta entre a maxia da verbena galega e a forza dun festival.

En 2024 publican o seu segundo traballo “Mortal Cumbia!”, aínda máis bailable. Aínda, se cabe, máis festivaleiro. Con novo vestiario, deseño de luces e un directo digno dunha das bandas que máis está medrando nos últimos anos.



CULTURACTIVA

O SONORO MAXÍN

A primavera ten que ser nosa



Premio Martín Códax 2017.

Co Sonoro Maxín estoura a Galiza tropical en cada concerto. Levan máis de 15 anos convertindo as festas e verbenas do país nun torreiro cheo de baile e ledicia, amizade e cumbia galega.

O Sonoro Maxín son nome propio do tropicalismo galaico, son a maxia do licor café nunha noite estrelada de verán na que todos e todas estamos convidadas a danzar e rir sen fin.

“A Primavera ten que ser nosa” é o nome da súa xira e dun dos seus últimos éxitos, unha declaración de intencións no que a banda explora novos sons ao tempo que proclama que a primavera é de todas, non duns poucos. Que non nola rouben!!!



CULTURACTIVA

MOMBOI

Vacacións en Ornanda



Premio Martín Códax 2023 na categoría Pop e Indie.

Folk-Rock-indie aderezado con ritmos iberoamericanos. Momboi é unha desas bandas que todo o mundo debería coñecer e degustar.

O seu segundo disco “Vacacións en Ornanda” é xa un clásico da música galega contemporánea, un fito que a banda de Noia leva por todo o país sen complexo ningún.

Veñen de estrear dous novos sinxelos que presentarán este ano no seu directo, ademais de novas músicas que continúan a compoñer, unha verdadeira delicatessen para a música galega!



CULTURACTIVA

FLOW DO TOXO

Aquí están as que ghritan



O seu primeiro traballo, “Aquí están as que ghritan”, é un berro persoal e colectivo dende o rural.

Flow do Toxo deciden subir aos escenarios como forma de tomar espazos masculinizados. O rap como forma de loita directa e sen complexos, Música con perspectiva transfeminista, música para pasalo en grande nun espazo seguro. Flow do Toxo para dicir: aquí estamos

Flow do Toxo son Xía Non Neva, Todo Poderosa Lauris, Silvia de Taboexa, Temible Olivina.



CULTURACTIVA

TIAM GZ

Volta ao xogo



Músicas urbanas dende o corazón da Galiza profunda, dende Chantada. Primeiro foi o Bravú e, agora, a mocidade, canta a ritmo de rap rural.

TIAM Gz combina nos seus temas protesta e festa, positividade, colectividade e xustiza social. A súa música leva ao público dende as cancións máis reivindicativas ata as sonoridades máis bailables, nunha mestura de hip-hop, pop, acústica, trap e moito máis.



CULTURACTIVA

OS D'ABAIXO

Somos a pedra



*Premios Martín Códax da Música 2022
de Música Folk.*

A música folk rompe todos os seus límites cos pés na tradición e a cabeza no futuro. Os D´Abaixo son 100% folk galego e universal, sen fronteiras. Herdeiros de bandas como Berrogüetto e Fía na Roca, transforman o alcance da música folk. A súa calidade, orixinalidade e espírito festivo son a súa carta de presentación, unha banda imprescindible no folk galego actual. Arriba os d'Abaixo!



CULTURACTIVA

GALIFUNK BRASS

Galifunk



A Galifunk Brass ten como finalidade encher as festas e festivais de alegría e calidade musical.

Unha banda instrumental que aporta o seu particular punto de vista sobre as músicas de baile actuais e de todos os tempos cunha calidade pouco vista. O seu directo é do máis variado, intepretan temas onde predomina o rock, o soul, o jazz con improvisación, ritmos pegadizos, a virtuosidade e incluso pequenas incursións ao rap.



CULTURACTIVA




FORMATOS ESPECIAIS / MUSICA DE RUA / PEQUENOS FORMATOS

MERCEDES PEÓN

Osmose

*Premio Nacional da Cultura Galega.
Artista do ano para Folkword.
Artista Top TEN na Revista Songlines.*



Osmose é unha peza híbrida (música, audiovisual e performance) que articula, cunha nova linguaxe, un relato crítico sobre os efectos da chegada do capitalismo ás comunidades do rural galego. Peque Varela, Laura Iturralde e a propia Mercedes Peón crearon un universo vibrante que, a través de imaxes da película Nación de Margarida Ledo, do arquivo persoal de Mercedes Peón e das súas composicións, foron quen de elaborar un discurso crítico e moi atinado, un espectáculo que xa visitou espazos como o Festival Grec (Barcelona), Teatro Conde Duque (Madrid), Teatro Central (Sevilla), Teatro Rosalía (Coruña); Auditorio de Galicia (Santiago de Compostela), Escena Abierta (Burgos), Theatre National en Douai (Francia), e moitos lugares máis.



CULTURACTIVA

MERCEDES PEÓN

Déixaas



*Premio Nacional da Cultura Galega.
Artista do ano para Folkword.
Artista Top TEN na Revista Songlines.*

Déixaas amplía o universo creativo de Mercedes Peón combinando artesanía musical e vangarda creativa dun xeito excepcional. Sen abandonar a base tradicional, Déixaas inclúe unha faceta contemporánea inspirada en espazos acústicos industriais.

Este espectáculo ofrece unha experiencia artística única, un verdadeiro tronso que nos reconecta ao máis auténtico, onde a música se converte nunha cadea de transmisión de patrimonio cultural de primeira orde.



CULTURACTIVA

JAVIER OTERO NEIRA

Xogo de espellos /
Escoitando o silencio



Artista Yamaha.

XOGO DE ESPELLOS

As músicas creadas para piano, electrónica e orquestra son a canle de comunicación deste espectáculo, tan innovador como persoal. Presenta varios formatos: piano, orquestra e electrónica; piano e electrónica; piano, electrónica e auriculares.



ESCOITANDO O SILENCIO

Un proxecto innovador no que, mediante o uso de tecnoloxía WIFI, Javier Otero Neira fai un exercicio sen precedentes, cunha proposta artística baseada na intervención musical en espazos únicos nas que o silencio perdura no entorno, e, respectando ese silencio, transcorre o concerto de piano e electrónica con auriculares de última xeración.



CULTURACTIVA

OS BREGADIERS

Os Bregadiers



Os Bregadiers son unha banda de rúa que leva percorrendo o país dende o ano 2016. Renóvanse cada ano para ofrecer unha festa soul-funk-jazz coa que non poderás deixar de moverte.



CULTURACTIVA

BRASSICA RAPA

Ghrelo Power



A primeira fanfarria do país 100% feminina. Un concepto inspirado nas brass bands neoiorquinas, pero tamén das big bands ou das charangas tradicionais. Dende grandes éxitos do pop á música tradicional galega, pasando polo jazz para reivindicar o papel e a presenza da muller no panorama musical do país.



CULTURACTIVA

ACORDEIRETA

Loitar cantando



Loitar Cantando (verbas de Luz Fandiño) é o lema deste dúo de acordeón e pandeireta e tamén o título do seu primeiro traballo cun estilo único, fresco e contundente.



CULTURACTIVA

OS MONIFATES

Os Monifates, 10 anos
percorrendo camiños



Benvidos e benvidas ó
mundo de Os Monifates!!

Levan máis de dez anos
percorrendo vilas nun carromato
cargado de instrumentos e
monicreques danzantes, dando
vida a un espectáculo versátil,
nun formato distinto e orixinal,
ao mesmo tempo que lúdico
e didáctico, pensado para o
disfrute de toda a familia, onde
descubriredes as maravillosas
historias dos seus personaxes.

Acompañádenos nesta aventura.

Avante Monifates!!



CULTURACTIVA

CÉ ORQUESTRA

Home Orquestra /
Fios do querer




A recuperación do home orquestra en Galicia ten un só nome, Cé Orquestra Pantomima. A súa proposta adáptase tanto a rúa como a interior e gusta a todas as idades.

HOME ORQUESTRA 

FIOS DO QUERER 



CULTURACTIVA



BOOKING

ANA TIJOUX



- 5 nominacións aos Latin Grammy.
- Mellor rapeira do mundo (Rolling Stone).
- Das 100 mulleres máis influíntes do 2020 (BBC).

Ana Tijoux continua coa súa xira VIDA, un grito de esperanza. O seu disco máis alegre e bailable, co que está a percorrer o mundo.

Vida é o mellor traballo na carreira da chilena Ana Tijoux: heteroxéneo, contemporáneo e cunha increíble mestura de hip hop, r'n'b, funk, efluvios jazzies, trap, afrobeat, cumbia, dancehall, disco music e folk.



CULTURACTIVA

QUERALT LAHOZ



Queralt Lahoz é, sen dúbida, unha das sensacións musicais dos últimos anos no noso país, postúlase como unha das artistas con máis presente e futuro de toda a escena nacional, abandeirando unha das propostas musicais máis rompedoras e atractivas do momento.

Sons latinos, de raíz e urbanos, o soul, hip hop e dancehall dialogan con gracia e naturalidade sobre unha aura de coplas e boleiros que emerxen de maneira espontánea das súas orixes flamencas e dos seus paisaxes pessoais.

Novo disco en 2025.



CULTURACTIVA

AMPARANOIA

Fan Fan Fanfarria



Amparanoia e Artistas del Gremia presentan o seu novo e primeiro álbum conxunto “Fan Fan Fanfarria” unha composición de metais, percusión e bases electrónicas de aires balcánicos e festivos, con mestizaxe, hip hop, cumbia... unha aposta única en España que nos invita a bailar e cantar con esta mezcla explosiva de pura algarabía e alegría!



CULTURACTIVA

ESKORZO

Historias de amor
y otras mierda



A banda lexendaria granadina Eskorzo, pioneira do movemento 'Mestizo' en España, moldea estilos tan diversos como a música latina, o rock, o gypsy ou o jazz e beben da influencia de artistas como Red Hot Chili Peppers, Talking Heads ou Mano Negra. Con 30 anos de carreira, non deixan de crecer e sorprender en cada paso, consolidados con xiras internacionais e sempre abertos a experimentar con ritmos quentes de diversos territorios. A formación funciona como un marabilloso laboratorio de músicas cunha natureza que é, á fin, festexar en directo.



CULTURACTIVA

LA FÚMIGA



La Fúmiga é un estado de ánimo. Sen ningún lugar a dúbidas, son a mellor receita para celebrar, bailar e sentirnos vivos e vivas.

O seu estilo bebe da música de rúa, as charangas e as brass bands, e combínase nalgún punto do camiño cos sons máis pop, indie, ska, disco, latinos, tropicales, electrónicos... Unha fusión sonora que executan con gran virtude. E fano sempre con espírito festivo, consciencia social e colectiva, abertura de miras e cancións que teñen iso que parece sinxelo, pero é moi difícil: capacidade de conectar co gran público. Enraizar na súa memoria e tamén facela bailar.



CULTURACTIVA

TARTA RELENA

És pregunta



Tarta Relena está formado por dúas cantantes que exploran a capella diferentes estilos de músicas vocais, coa área xeográfica do Mediterráneo como contexto de referencia. O repertorio que cantan vai desde músicas tradicionais ata músicas de autor, coa experimentación como bandeira e a combinación de técnicas vocais como motor creativo, sen medo a estirar os límites do sacro e o profano.



CULTURACTIVA

EL PONY PISADOR

Ocells



El Pony Pisador é unha das bandas de música popular máis importantes en Cataluña. Ocells é o seu cuarto álbum, despois do éxito de The longest Pony, en colaboración con The longest John.

O seu son está elaborado dentro da tradición da música celta e folk. Se mesturamos os mundos de JRR Tolkien con Monty Python, e engadimos unha dose substancial de enerxía folk contemporánea, o resultado podería ser algo similar a El Pony Pisador.



CULTURACTIVA

CRISTINA BRANCO

Mãe



‘Mãe’ é unha creación única, na que Cristina Branco empresta a súa voz singular e expresiva a unha variedade de autores, como ten sido a súa tradición artística. En disco e ao vivo, Mãe ofrece ao público un repertorio orixinal que nos transporta nunha viaxe envolvente de redescuberta do fado, explorando as súas profundidades emocionais.



CULTURACTIVA

CARA DE ESPELHO



Cara de Espelho reúne seis ilustres figuras da música portuguesa: Pedro da Silva Martins, Carlos Guerreiro, Nuno Prata, Luís J Martins, Sérgio Nascimento e Maria Antónia Mendes.

Ao vivo, percorrem os temas do seu primeiro disco: sonoridades distintas, tanto acústicas como electrónicas, soturnas ou celebrativas, así como temas inéditos, para surpreender ao público e proporcionar espectáculos absolutamente inesquecíveis, cunha forte inspiración nos grandes intérpretes portugueses como Sérgio Godinho, Fausto ou José Mário Branco.



CULTURACTIVA

MERINA GRIS

Zerua Orain



Unha fotografía honesta e visceral do “agora” máis inmediato. Mesturan a electrónica máis movida con pasaxes orgánicos, ganchos melódicos e, sobre todo, actitude. A nivel lírico, a agrupación reflexiona sobre a batalla interna por ser un mesmo na nosa sociedade actual.



CULTURACTIVA

25 años
CULTURACTIVA

CULTURACTIVA